



**JADUAL PEMBACAAN KHUTBAH JUMAAT SIRI 6/2022
(Bulan Jun Tahun 2022)**

تاریخ	تاجوق	ب
3.6.2022M/ 4 Zulkaedah 1443H	CINTA, KASIH DAN SAYANG	1.
10.6.2022M/ 11 Zulkaedah 1443H	MENCARI BAHAGIA YANG HAKIKI	2.
17.6.2022M/ 18 Zulkaedah 1443H	NILAI KEMANUSIAAN DAN RAHMATAN LILALAMIN	3.
24.6.2022M/ 26 Zulkaedah 1443H	HAYATI KEIMANAN KEPADA RASULULLAH SAW	4.
	KHUTBAH KEDUA	

فرچیتقن دبیاپای :



زكاة قولاو فینخ تلیفون : 04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



CINTA, KASIH DAN SAYANG

(3 Jun 2022M / 4 Zulkaedah 1443H)

الْحَمْدُ لِلَّهِ الَّذِي جَعَلَ الْمُؤْمِنِينَ بِنِعْمَتِهِ إِخْوَانًا، وَعَلَى الْخَيْرِ وَالتَّقْوَى أَعْوَانًا،
وَجَعَلَ لِلْمُتَحَابِّينَ عَلَى دِينِهِ مِنْ أَكْثَرِ النَّاسِ يَوْمَ الْقِيَامَةِ ثَوَابًا.
أَشْهَدُ أَنْ لَا إِلَهَ إِلَّا اللَّهُ الَّذِي لَمْ يَتَّخِذْ صَاحِبَةً وَلَا وَلَدًا،
وَأَشْهَدُ أَنَّ سَيِّدَنَا وَحَبِيبَنَا مُحَمَّدًا عَبْدُهُ وَرَسُولُهُ الْمَبْعُوثُ لِلنَّاسِ بَشِيرًا وَنَذِيرًا
وَدَاعِيًا إِلَى اللَّهِ بِآذِنِهِ وَسِرَاجًا مُنِيرًا،
صَلَوَاتُ اللَّهِ وَسَلَامُهُ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنِ اهْتَدَى بِهَدْيِهِ
وَتَمَسَّكَ بِسُنَّتِهِ دَائِمًا أَبَدًا.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ التَّقْوَى، تَفُوزُوا بِدَرَجَاتِ الْعُلَا.

SIDANG JEMAAH YANG DIRAHMATI ALLAH SEKALIAN,

Di hari yang diharapkan limpahan rahmat dan keampunan daripada Allah ini, saya menyeru sidang jemaah sekalian, agar sama-sama kita memperkukuhkan iman dan taqwa kita terhadap Allah. Manfaatkan ruang dan peluang yang diberikan Allah **سُبْحَانَهُ وَتَعَالَى** untuk terus melakukan kebaikan serta meninggalkan setiap yang dilarang. Semoga usaha ini akan menjadikan kita tergolong dalam kalangan hamba-hamba yang dikasihinya.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Khatib ingin mengajak sidang jumaat sekalian untuk memberi tumpuan kepada khutbah yang bertajuk “**Cinta, Kasih dan Sayang.**”

Muslimin yang disayangi Allah سُبْحَانَهُ وَتَعَالَى،

Kemuliaan seseorang adalah dinilai dengan taqwanya. Islam adalah agama yang penuh dengan cinta dan kasih sayang. Semua khalifah di muka bumi ini memiliki kedudukan yang sama di hadapan Allah. Hanya dibezakan dengan iman dan ketaqwaan. Firman Allah dalam surah Ali-Imran ayat 103:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَتَ اللَّهِ عَلَيْكُمْ إِذْ كُنْتُمْ أَعْدَاءً
فَأَلَّفَ بَيْنَ قُلُوبِكُمْ فَأَصْبَحْتُمْ بِنِعْمَتِهِ إِخْوَانًا ۝١٠٣

Maksudnya: “Dan berpegang teguhlah kamu sekalian kepada tali Allah (agama Islam) dan janganlah kamu bercerai-berai dan kenanglah nikmat Allah kepada kamu ketika kamu bermusuhan-musuhan (semasa jahiliah dahulu), lalu Allah menyatukan di antara hati kamu (sehingga kamu bersatu-padu dengan nikmat Allah itu orang-orang Islam yang bersaudara).”

MUSLIMIN YANG DIRAHMATI ALLAH سُبْحَانَهُ وَتَعَالَى،

Benarkah Islam mengajar kita tentang berkasih sayang? Jawabannya ya hadirin yang berbahagia. Islam sangat mementingkan kasih dan sayang. Ia jelas terbukti di dalam Al-Quran apabila banyak ayat menyentuh tentang dua sifat yang mulia ini. Baik kecintaan kepada Allah mahupun kecintaan sesama makhluk.

Agama Allah ini dipenuhi cinta. Sehingga di antara kita pun dianjurkan untuk selalu menyebarkan rasa kasih dan sayang agar kedamaian selalu menyertai jalur kehidupan seharian kita. Namun perlu diingatkan bahawa mencintai Allah adalah fokus yang paling utama dalam kehidupan. Ini selari dengan ayat 31 dalam surah Ali- Imran:

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ

وَاللَّهُ غَفُورٌ رَّحِيمٌ ﴿٣١﴾

Maksudnya: “Katakanlah (Muhammad), jika kamu mencintai Allah, ikutilah aku, nescaya Allah mencintaimu dan mengampuni dosa-dosamu. Allah Maha Pengampun lagi Maha Penyayang.”

Kita mestilah mengutamakan Allah dari segala kepentingan dunia. Hal inilah yang menunjukkan kebesaran dan kekuasaan Allah sebagai tuhan yang Maha Mencipta. Allah ada menyebut dalam surah Al-Baqarah ayat 165:

... وَالَّذِينَ ءَامَنُوا أَشَدُّ حُبًّا لِلَّهِ وَلَوْ يَرَى الَّذِينَ ظَلَمُوا إِذْ يَرُونَ الْعَذَابَ أَنَّ الْقُوَّةَ لِلَّهِ

جَمِيعًا وَأَنَّ اللَّهَ شَدِيدُ الْعَذَابِ ﴿١٦٥﴾

Maksudnya: “..adapun orang-orang yang beriman sangat cinta kepada Allah. Dan jika seandainya orang-orang yang berbuat zalim itu mengetahui ketika mereka melihat seksa (pada hari kiamat), bahawa kekuatan itu kepunyaan Allah semuanya dan bahawa Allah amat berat seksaannya (nescaya mereka menyesal).”

MUSLIMIN YANG DIKASIHI SEKALIAN,

Rasulullah ﷺ pernah memberi kata nasihat melalui hadis yang bermaksud:

“ Dari Abu Hurairah رَضِيَ اللَّهُ عَنْهُ, daripada Nabi ﷺ: Pada suatu ketika ada seorang lelaki yang mengunjungi saudaranya di desa lain. Kemudian Allah pun mengutuskan seorang malaikat untuk menemui lelaki tersebut. Ketika lelaki itu di tengah perjalanannya ke desa yang dituju, malaikat tersebut bertanya; “Kamu hendak ke mana?” Orang itu menjawab; “Saya akan menjenguk saudara saya yang berada di desa lain. “ Malaikat itu terus bertanya kepadanya; “Apakah kamu mempunyai satu perkara yang menguntungkan dengannya? Maksudnya, yang hendak engkau perbaiki dan kerana itulah engkau tergerak untuk menemuinya. Lelaki itu menjawab; “Tidak, saya hanya mencintainya kerana Allah Azzawajalla.” Akhirnya malaikat itu berkata;

“Sesungguhnya aku ini adalah malaikat utusan yang diutuskan untuk memberitahu kepada kamu bahawasanya Allah akan sentiasa mencintaimu sebagaimana kamu mencintai saudaramu kerana Allah.”

﴿ Hadis Riwayat Muslim ﴾

Dalam riwayat lain Rasulullah pernah memberi kata nasihat melalui hadis daripada Anas bin Malik رَضِيَ اللَّهُ عَنْهُ, bahawa Nabi صَلَّى اللَّهُ عَلَيْهِ وَسَلَّمَ bersabda:

لَا يُؤْمِنُ أَحَدُكُمْ، حَتَّى يُحِبَّ لِأَخِيهِ مَا يُحِبُّ لِنَفْسِهِ

Maksudnya: “Tidaklah beriman salah seorang di antara kamu, hingga ia betul-betul mencintai saudaranya seperti mencintai dirinya sendiri.”

SIDANG MUSLIMIN SEKALIAN,

Sesungguhnya kasih sayang adalah satu nikmat yang dirasakan manusia di dunia. Terciptanya kepedulian, kedamaian dan rasa empati kepada orang lain kesemuanya tercetus dari peranan kasih dan sayang.

Perasaan ini juga mendorong kita untuk meringankan penderitaan yang dialami oleh orang lain. Tanpa kasih sayang, mungkin manusia akan menjadi sangat individualistik, ego dan tidak memikirkan nasib dan keadaan orang lain.

Kasih sayang memiliki makna yang luas dan tidak terbatas. Namun kita mestilah meletakkan kasih sayang sesuai dengan tempatnya dan tidak melampaui batas syarak.

Anak-anak yang mengasihi ibu bapa misalnya akan sentiasa memelihara akhlak mereka antaranya dengan berlemah lembut, berbudi bahasa, tidak derhaka dan sentiasa ingat akan pengorbanan mereka. Bahkan ini merupakan suatu tuntutan dalam hidup beragama terutamanya apabila mereka mencapai usia emas. Sekiranya nilai mulia ini diketepikan maka terjadilah kes anak yang berjaya dalam hidup, punya nama, pangkat dan harta tetapi gagal menyantuni ibu bapanya.

“Pusat Jagaan Warga Emas Penuh” yang menjadi tajuk berita Sinar Harian bertarikh 30 April 2022 merupakan berita yang agak mengejutkan. Lebih menyedihkan kebanyakan ibu ayah yang dihantar masih mempunyai waris yang mampu menjaganya.

Sebagai anak, kita bertanggungjawab memuliakan ibu bapa dengan mentaati mereka, menggembirakan mereka, bersyukur dan menghargai mereka sementara mereka masih ada. Dengan amalan mulia ini, Allah **سُبْحَانَهُ وَتَعَالَى** akan memberkati rezeki dan umur kita, menghapuskan dosa dan menjadi jaminan untuk kita memasuki syurga-Nya. Imam Muslim meriwayatkan daripada Abu Hurairah **رَضِيَ اللَّهُ عَنْهُ** bahawa Rasulullah **صَلَّى اللَّهُ عَلَيْهِ وَسَلَّمَ** bersabda yang mafhumnya:

*“Sungguh hina, sungguh hina, sungguh hina. Lalu Baginda **صَلَّى اللَّهُ عَلَيْهِ وَسَلَّمَ** ditanya: “Siapakah Ya Rasulullah? Jawab Baginda: “Sesiapa yang mempunyai kedua ibu bapa yang sudah tua atau salah seorang daripada keduanya, tetapi dia tidak dapat masuk ke syurga (dengan memelihara mereka sebaik-baiknya).”*

Firman Allah dalam surah Ali-Imran ayat 134:

وَاللَّهُ يُحِبُّ الْمُحْسِنِينَ ﴿١٣٤﴾

Maksudnya: “Allah mengasihi orang-orang yang berbuat perkara-perkara yang baik.”

MUSLIMIN SEKALIAN,

Terdapat ayat di dalam Al-Quran yang boleh kita amalkan setiap hari dan dijadikan sebagai doa kasih sayang berpanjangan. Ia juga boleh digunakan untuk melembutkan hati pasangan kita dan sesuai untuk ahli keluarga dan anak-anak. Salah satunya adalah ayat dalam surah Asy-Syura ayat 19:

اللَّهُ لَطِيفٌ بِعِبَادِهِ يَرْزُقُ مَنْ يَشَاءُ وَهُوَ الْقَوِيُّ الْعَزِيزُ ﴿١٩﴾

Maksudnya: “Allah maha lembut tadbir-Nya (serta melimpah-limpah kebaikan dan belas kasihan-Nya) kepada hamba-hamba-Nya; Dia memberi rezeki kepada

sesiapa yang dikehendaki-Nya (menurut peraturan yang telah ditetapkan) dan Dialah Yang Maha Kuat, lagi Maha Kuasa.”

Beberapa kesimpulan yang boleh dibuat daripada khutbah hari ini:-

Pertama: Agama Islam mengajar kita tentang berkasih sayang.

Kedua: Perlu diingatkan bahawa mencintai Allah adalah fokus yang paling utama dalam kehidupan.

Ketiga: Seorang hamba itu sempurna imannya apabila dia sudah mampu menyayangi orang lain.

أَعُوذُ بِاللَّهِ مِنَ الشَّيْطَانِ الرَّجِيمِ
وَلَوْلَا فَضْلُ اللَّهِ عَلَيْكُمْ وَرَحْمَتُهُ وَأَنَّ اللَّهَ رَعُوفٌ رَحِيمٌ ﴿٢٠﴾

Maksudnya: “Dan kalaulah tidak kerana adanya limpah kurnia Allah dan rahmat-Nya kepada kamu, dan juga (kalaulah tidak kerana) bahawa Allah amat melimpah belas kasihan-Nya, (tentulah kamu akan ditimpa azab dengan serta merta).”

﴿Surah An-Nur ayat: 20﴾

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



خطبة كدوا بولن جون

2022M/ 1443H

الْحَمْدُ لِلَّهِ عَلَى الْإِثْمِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ، وَأَشْهَدُ أَنَّ مُحَمَّدًا
عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ -
عَلَيْنَا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni



Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ غَامَةً يَا رَبَّ الْعَالَمِينَ.

Sidang Jemaah Yang Dirahmati Allah,

Khatib juga mengambil kesempatan ini untuk memaklumkan berkenaan Penyakit Tangan, Kaki dan Mulut atau lebih dikenali sebagai *HFMD (Hand, Foot and Mouth Disease)*. Sehingga 28 Mei 2022, jumlah kumulatif kes HFMD yang dilaporkan di Negeri Pulau Pinang adalah sebanyak 3,012 kes berbanding dengan hanya 144 kes pada tempoh yang sama tahun 2021, peningkatan sebanyak 20 kali ganda. Sehingga tempoh yang sama, sebanyak 102 wabak HFMD telah dilaporkan dengan 2,744 kes bersamaan 91.1% adalah dalam kalangan kanak-kanak berumur di bawah 6 tahun.

Memandangkan tiada rawatan khusus bagi penyakit ini, khatib ingin menyeru para jemaah sekalian agar mengambil langkah pencegahan seperti sentiasa membasuh tangan dengan sabun dan air bersih, mengamalkan etika batuk (tutup mulut dan hidung semasa batuk dan bersin) serta elakkan dari berkongsi barangan peribadi. Kita juga perlu memastikan persekitaran rumah, pusat penjagaan kanak-kanak, sekolah dan taman permainan kekal bersih. Sekiranya ada tanda jangkitan pada kanak-kanak, segera dapatkan rawatan di premis kesihatan yang terdekat. Sesungguhnya, **mencegah lebih baik dari**

merawat. Semoga usaha ini menjadi asbab agar Allah **سُبْحَانَهُ وَتَعَالَى** melindungi kita dari jangkitan wabak selain terus melazimi doa:

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٧﴾
فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ
يَعْلَمُ مَا تَصْنَعُونَ ﴿٤٥﴾